



Aningaasaqarnermut Akileraartarnermullu Naalakkersuisoq

Ulloq: 4. juli 2017
J.nr.: 01.31.06/17-00756

Aningaasaqarnermut Akileraartarnermullu Ataatsimiititaliap tallimanngornermi ulloq 30. juni 2017 ataatsimiinnermini aalajangiussai pillugit Naalakkersuisunut paasissutissiineq.

Aasianni peqqissartut unnuisarfiaata pilerseqqinneqarneranut aamma Sisimiuni Allorfiup illutassaanik pisinnermut konto pingaarneq 86.60.01 Peqqinnissaqarfimmit ilassutitut aningaasaliissutissanut qinnuteqaat

”Naalakkersuisut inassutigaaat,

- Konto pingaarnermi 86.60.01 Peqqinnissaqarfik, suliassaq nutaaq nr. 100.46.028 Aasianni peqqissartut unnuisarfiaata pilerseqqinneqarnera, aningaasaliissutit 15.060.000 kr-inik amerlineqassasut aamma suliassaq nutaaq nr. 080.56.027 Sisimiuni Allorfik, aningaasaliissutit 2.500.000 kr-inik amerlineqassasut.
- 2017-imi ukiumi aningaasalersuiffiusumi IST-mi angusat missingersuutigineqartut 17.560.000 kr.-inik ajorseriassasut.”

Aningaasaqarnermut Akileraartarnermullu Ataatsimiititaliap oqaaseqaatai apequtaalu:


1. Ilassutitut aningaasaliinerup IST-mi angusanik ajorseriartitsinissaa ataatsimiititaliap ataatsimut isigalugu isumakulunnartippaa, taamaammallu kontunit piusunit aningaasanik atunngitsuukkanik ujartuisoqarnissaa kaammattuutigalugu. Assersuutigalugu ataatsimiititaliap ilisimavaa konto pingaarneq 64.10.25, 58 mio. kr-it sinnerlugit annertussusilinnik, sanaartornissamik suliniutinut nuunneqarsinnaasunik imaqartoq. Aningaasat pineqartut ilisimaneqartutut, sioqqullugu atorneqarsimanngikkunik kingusinnerpaamik 2020-mi Nunatta Karsianut nuunneqartussaareerput.
2. Ataatsimiititaliap qanorluunniit pisoqassappat suliassap pisariaqanngitsumik akitsorsaataasumillu kinguarsarneqarani aallartinneqarnissaa pingartippaa, tassungalu atatillugu immikkut erseqqissaatigineqarluni qulaani siunnersuutigineqartutut aningaasaliissutissanik nassaartoqassappat, aningaasat kingorna Aningaasaqarnermut Akileraartarnermullu Ataatsimiititaliamut ilisimatitsiviusumik atorneqarsinnaanerannut Aningaasanut Inatsit tunngavissiiimmat.

3. Peqqissartut unnuisarfiannut tunngatillugu pilersitseqqinnissamik pisariaqartitsineq siornali ilisimaneqareerpoq, taamaammatt ataatsimiititaliaq isumaqarpoq ilassutitut aningaasaliinissaq siusinnerusukkulli saqqummiunneqarsimasariaqaraluartoq.

Aningaasaqarnermut Akileraartarnermullu Ataatsimiititaliap aalajangiinera

Naalakkersuisunit inassuteqaatit qulaaniittut Aningaasaqarnermut Akileraartarnermullu Ataatsimiititaliap **akuersissutigisinnaavai**, Naalakkersuisut oqaaseqaatinut apeqquutinullu qulaaniittunut kingusinnerpaamik ulloq 12. Juli 2017-imi isummernissaat naatsorsuutigalugu.

Med venlig hilsen



Jens Immanuelson
Formand for Finans- og Skatteudvalget